

rit. Longè aliter noster fecit LOBECHIVS; is enim exemplo hoc quidem seculo rarissimo, non implumis, hoc est, linguarum & artium dicendi rudis, sed earum fundamentis rectè in schola patria jactis, & præclaro tyrocinio pædagogico jam tum in ædibus venerandi senis Dn. CONRADI GERLACI, Cathariniani in patria templi ministri fidelissimi ( patris Clarissimi quondam HENRICI GERLACI, nuper poëseos apud nos professoris ) edito, ad nostram hanc accessit Academiam, cum jam adolescentiæ limina, annum nonumdecimum attingeret: quò cum se non ad otium, sed ingenij culturam ablegatum sciret, statim omnes animi nervos intendit, ut quoquo pacto spei de se in patria conceitatae satisfaceret.

Primum itaq; de hospitio sibi commodo sollicitus, rectius tutiusvè nullibi vivere se posse arbitratus est, quam apud eum, à quò quotidie exemplum pietatis, modestiæ, sobrietatis & diligentiae capere posset: ac talem esse ratus, & revera esse scimus omnes, Virum Clarissimum Dn. M. ERASMV M STOCKMANNUM sympatriotam suum, physices professorem dexterrimum, eum sibi hospitem elegit: memor haud dubiè præcepti longè utilissimi, elegantissimo disticho à Nathane Chytræo poëta celeberrimo propositi.

*Cum doctis versare lubens & plurima discas,*

*Olim etiam canis grata futura tuis.*

Et quod Seneca auctor gravissimus præclarè monet:

*Nulla res bonorum doctorumq; virorum conversatione, magis aut honesta aut necessariâ est: paulatim enim in pectora descendit, & præcepti obtinet, frequenter audiri atq; aspici: occursum quoq; sapientum juvat: & est aliquid quod ex magno viro vel tacente proficias.*

In hujus ergo M. Erasmi ædibus & mensa quin-

B 3

quenni-

Lib. 3. de:

lib.